



Publicaziuns dalla vischnaunca, jamna 44

Damondas da baghegiar

2021-1075.000

Datum dalla publicaziun: 5 da november 2021

Il patrun: Aluis Huonder e Zita Deplazes Huonder, Via Sontga Catrina 13, 7180 Disentis/Mustér

Il representant: huonder bisquolm architects sa, Via da Scola 18, 7180 Disentis/Mustér

Object: Engfondaziun dil tetg avon casa, parcella 3634, Via Sontga Catrina 13, 7180 Disentis/Mustér

2021-1077.000

Datum dalla publicaziun: 5 da november 2021

Il patrun: Bergbahnen Disentis AG, Via Acletta 2, 7180 Disentis/Mustér

Il representant: ipz ingenieure + planer ag, Via Lucmagn 7, 7180 Disentis/Mustér

Object: Construcziun d'ina casa da parcar, parcella 1329, Via Acletta, Catrina Resort, 7180 Disentis/Mustér

2021-1078.000

Datum dalla publicaziun: 5 da november 2021

Il patrun: S. Steger SA, Via Plaun da Diras 8, 7180 Disentis/Mustér

Il representant: Strabag SA, Via Plaun da Diras 8, 7180 Disentis/Mustér

Object: Remplazza la publicaziun nr. 2021-5000.000 diils 22-10-2021. Procedura posteriura: midada da diever dalla surfatscha da habitar en surfatscha da biro enteifer igl edifeci 311A, parcella 3028, Via Plaun da Diras 8, 7180 Disentis/Mustér

2021-1079.000

Datum dalla publicaziun: 5 da november 2021

Il patrun: Andreas Weber, Via Soliva 7, 7180 Disentis/Mustér

Il representant: michele zago architetti, Viale Cattaneo 21, 6900 Lugano

Object: Construcziun nova d'in tetg sur l'entrada. Damonda posteriura; nova scala da fier, nova pompa da calira d'aria, parcella 3904, Via Soliva 7, 7180 Disentis/Mustér

Object: Niev baghetg da mistregn, duas novas hallas da magasinar e novas surfatschas da magasinar, parcella 189, Via Foppas 2, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant. Disentis/Mustér, ils 5 da november 2021

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandont project:

Nr. 2021-2098.000

Robert Casanova-Flepp, Via Clis 6, 7180 Disentis/Mustér; sanaziun dallas fatschadas, parcella 1446, Via Clis 6, 7180 Disentis/Mustér.

Disentis/Mustér, ils 5-11-2021

Uffeci da baghegiar Disentis/Mustér



Il cussegl da vischnaunca dat suatientscha alla reorganisaziun communal

Rapport dalla seduta dils 29 d'october 2021

Venderdis, ils 29 d'october 2021, ha giu liug ella halla Cons la siatavla seduta dil cussegl da vischnaunca da Disentis/Mustér dalla perioda d'uffeci 2021/2024. El center dalla seduta ei stau la reorganisaziun communal. Il cussegl da vischnaunca ha dau suatientscha alla revisiun parziala dil regulativ per il personal communal ed alla revisiun parziala dil regulativ d'indemnisaziun. Per l'organisaziun communal munta quella revisiun parziala dils dus regulativs ina midada naven d'in sistem antiquau e static tier in sistem modern e flexibel. Il cussegl da vischnaunca, sut l'egida dil **vicepresident dil cussegl da vischnaunca Adrian Deflorin**, ha cun quater abstenziuns e neginas cuntervuschs approbau la revisiun parziala dil regulativ per il personal communal. Cun l'approbaziun dalla revisiun parziala ei il plan da plazzas dalla vischnaunca vegnius adattaus taluisa che mintga sparta (administraziun, infrastruttura e baghegiar, menaschi tecnic e la formaziun) ha el futur ina quota da plazzas maximala. El focus stat la tractaziun dil preventiv. Egl avegnir vegnan ils cuosts totals da personal enviers igl onn precedent ad esser decisivs e buc il plan da plazzas, ch'ei entochen oz staus in construct fetg static. Il niev sistem ei en consequenza pli flexibels, transparents e clars e per la lavur operativa in levgiament. Cun la revisiun parziala ha il cussegl da vischnaunca plinavon dau suatientscha ad in augment da plazzas el rom da rodund 170%. Quei alzament ei necessaris per dar damogn alla lavur da mintgadi ch'ei carschida ils davos onns en tuttas spartas, e per saver sviluppar vinavon e far la vischnaunca da Mustér pli attractiva. Ulteriuramein vegn repartiu da niev las cumpetenzas finanzialas internas ed adattaus ils temps da spurtegl. Cheutras vul la vischnaunca esser egl avegnir ina patruna da lavur moderna ed attractiva. La revisiun parziala passa en vigur igl 1. da schaner 2022. En connex cun la reorganisaziun communal ha il cussegl da vischnaunca suenter liunga discussiun approbau unanimamein la revisiun parziala dil regulativ d'indemnisaziun. Il regulativ d'indemnisaziun vertent dateschadils 22 a zercladur 2012. Il regulativ reglescha l'indemnisaziun dils commembers d'autoritads e da cumissiuns sco era d'ulteriurs funcziunaris. Igl ei stau necessari d'adattar il regulativ als standards da lavur d'ozildi. Aschia ei il sistem cun ina definiziun dil pensum da lavur total dalla suprastonza communal cun ina piazza cumpleina da 100% vegnius abolius. Il temps d'engaschament dil president communal munta el futur ad 80%. Quel sa variar denter minimal 50% e maximal 80% (entochen dacheu max. 74%). El cass d'in engaschament sut 80% ha il president communal la pusseivladad d'engaschar in secretariat, proporziunal alla reducziun dil pensum dil president. Da niev vegn il president communal indemnisaus tenor la scala dallas pagas dil cantun Grischun resp. dalla vischnaunca e buca pli en proporziun d'ina piazza cumpleina. Plinavon vegn igl engaschament fundamental dils ulteriurs suprastonts indemnisaus adequatamein cun ina pauschala annuala ch'ei buca pli dependenta digl engaschament dil president communal. Quella midada da sistem ei medemamein stada urgenta e corrispunda al temps dad oz. La revisiun parziala va en vigur cun l'entschatta digl onn 2022.

Ils gremis politics han cun quellus duas revisiuns parzialas schaffiu la basa per in sistem da lavur flexibel e modern.

Suprastonza communal

Fiera Sogn Martin

Gliendisdis, ils 15 da november 2021, ha liug sco mintg'onn l'usitada fiera da Sogn Martin. Ils stans vegnan endrizzai sin la Via Lucmagn. Las preparativas entras la vischnaunca entscheivan quei di allas 5.00 e la fiera ha liug naven dallas 8.00 entochen allas 17.00. Silsunter setracta ei da far uorden, quei che cuoza entochen ca. allas 19.00. Per evitar incaps supplichein nus las fatschentas el contuorn dils stans da fiera da sche pusseivel buca schar vegnir quei di autos cun pli grondas furniziuns.

Nus engraziein grondamein per la capientscha.

Uffeci da baghegiar



Plan da quartier Pignola

Communicaziun davart il conclus d'abolir il plan da quartier Pignola (incl. regruppament da terren)

Encunter la communicaziun dalla suprastanza communal dils 6 d'ost 2021 concernent l'intenziun d'abolir il plan da quartier Pignola (incl. il regruppament da terren) ei vegniu inoltrau neginas protestas. Ils 12 d'october 2021 ha la suprastanza communal sebasond sin art. 51 ss dalla lescha davart la planisaziun dil territori pil cantun Grischun LPTGR ed ils art. 16 al. 4 concludiu definitivamein d'introducir la procedura per l'aboliziun dil plan da quartier Pignola ed a basa digl art. 21 dall'ordinaziun davart la planisaziun dil territori pil cantun Grischun OPTGR d'abolir il plan da quartier Pignola (incl. regruppament da terren) dils 18 d'avrel 2011.

Intent: Aboliziun dil plan da quartier Pignola dils 18 d'avrel 2011

Territori cumpigliau: Parcelas 181, 188, 189, 3873, 3874, 3876 e 3975 Documents d'exposiziun: Plan «Conclus davart l'aboliziun dil plan da quartier Pignola» 1:2000 cul territori cumpigliau

Temps d'exposiziun: **Naven dils 5 da november entochen ils 6 da december 2021** en casa communal ella stanza da publicaziun nr. 10, duront las uras da spurtegl usitadas.

Protestas: Encunter il conclus dalla suprastanza communal d'abolir il plan da quartier Pignola (incl. il regruppament da terren) sa vegnir inoltrau duront il temps d'exposiziun sura menziunau ina protesta allasuprastanza communal Disentis/Mustér. La protesta ei da motivar a scret.

Disentis/Mustér, ils 2 da november 2021

Suprastanza communal Disentis/Mustér

SanaSurselva

Jamna naziunala da violar encunter Covid-19 dils 8–14 da november 2021

Haveis Vus damondas en connex culla virola? Vuleis Vus saver tgei reacziun secundara ch'ina virola sa haver? Buca targlinei e telefoni alla hotline Surselva dalla jamna naziunala da violar encunter Covid-19: **081 926 51 11**.

Las medias ed ils miedis da casa dattan era bugen las informaziuns necessarias. La cussegliaziun ei gratuita ed anonima:

Gliendisdis, ils 8 da november 2021, allas 9.00–12.00

Mesjamna, ils 10 da november 2021, allas 9.00–12.00

Venderdis, ils 12 da november 2021, allas 9.00–12.00

La virola ei il meglier mied per vegnir ord quella crisa.

Engraziel fetg. SanaSurselva

Nationale Impfwoche gegen Covid-19 vom 8. Bis zum 14. November 2021

Haben Sie Fragen zur Impfung? Möchten Sie gerne wissen, welche Nebenwirkungen eine Impfung haben kann? Zögern Sie nicht und rufen Sie die Hotline Surselva der Nationalen Impfwoche gegen Covid-19 an: **081 926 51 11**.

Die Hausärztinnen und Hausärzte geben auch gerne Auskunft. Die Beratung ist kostenlos und anonym:

Montag, 8. November 2021, 9.00– 12.00 Uhr

Mittwoch, 10. November 2021, 9.00–12.00 Uhr

Freitag, 12. November 2021, 9.00–12.00 Uhr.

Die Impfung bleibt das beste Mittel für den Ausstieg aus der aktuellen Krise.
Vielen Dank.

SanaSurselva



Corporaziun d'aua Spina da Vin, Disentis/Mustér

Invitaziun alla radunonza generala extraordinaria dalla Corporaziun d'aua Spina da Vin, **mardis, ils 16 da november 2021**, allas 20.00 el Center Fontauna, Sala Fontauna, Via Alpsu 51, 7180 Disentis/Mustér

Tractandas:

1. Beinvegni
2. Elecziun da dus dumbravuschs
3. Integraziun Corporaziun d'aua Las Fontaunas, Mumpé Medel
4. Orientaziuns
5. Varia

Tuttas commembras e tuts commembers ein cordialmein envidai e beinvegni. En connex cun Covid-19 han ils responsabels dalla Corporaziun d'aua Spina da Vin elaborau in concept da schurmetg per la radunonza generala extraordinaria. Quel sa vegnir cargaus giu sin nossa pagina d'internet sut www.spinadavin.ch. Nus appellein als participonts d'esser precauts e setener vid las mesiras da schurmetg.

Corporaziun d'aua Spina da Vin
Per la suprastonza

Il president: Aluis Flepp

Corporaziun d'aua Las Fontaunas Mumpé Medel

Radunonza extraordinaria, mardis, ils 16 da november 2021, allas 20.00 el local la Scursalada.

Tractandas:

1. Beinvegni
2. Elecziun d'in dumbravusch
3. Orientaziun per la soluziun dalla Corporaziun
4. Decisiun d'integraziun cun la spina da vin
5. Varia

La suprastonza fa attents sin las prescripziuns da Covid-19 cun certificat.

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun. Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala



Mats ei turnaus da sias vacanzas!

Kino da cudischs da maletgs cun Mats, la miur Has ti plascher da vegnir en biblioteca e tedlar marvegliusas historias ord cudischs da maletgs?

Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei!

Cun ils pli cars salids Mats, la miur ed il team dalla Biblioteca populara Disentis/Mustér e contuorn

Ei vala igl obligatori da certificat per carschi. Il diember da participonts ei limitaus. Ina annunzia tochen gievgia da mezdi avon il termin dall'occurrenza ei necessaria: biblioteca@disentis.ch.

Termins:

12 da november, 10 da december 2021

14 da schaner, 11 da fevrer, 11 da mars, 8 d'avrel, 13 da matg 2022
